

ձդէ.

Վասն սարգիս [սառաֆեան] վարդապետին աքսորմանն որ եղև ի 9 սեպտեմբ, ի պատրիարզին նախանձուէ ֆէրմանաւ ի սամսոն ատասըն, գիտեմ, զի լուայք, ընդ որ ամենեքեան ցաւեցան յոյժ ուղղափառք և հայք. և ասեն թէ ոմանք ի սառաֆից առնլոց են զիթլախն առ ի յետս դարձուցանելոյ, եթէ ողջ մնասցէ ի ճանապարհի, զի երկնչիմք թէ կորուսցեն, և անյայտ արասցեն: Ժանտախտն փոքր մի դադարեցաւ. բայց թշուառութիւն քաղաքիս վասն պակասութեան տուրեաւ ոռութեան վաճառի օր ըստ օրէ յաճախէ, որոյ պատճառ դնեն զերկրորդն արքայի, զորմէ և տրտնջեն յոյժ և խնդրեն զկորուստ նորա: (Հ. Իգն. առ Մեղգոնեան, 1758 սեպտ. 18. ի Կոստանդնուպոլիս):

ձդը.

Յաւք և հիւանդութիւնք տակաւին յաճախեն ի քաղաքիս և ժանտախտն կոտորէ զմեծս, և ծաղիկն զտղայս, որոց ոչ գոյ թիւ... գրեթէ ոչ մնաց տուն, յորում ոչ իցէ ողբ և կսկիծ վասն պէսպէս տառապանաց: Իսկ վասն աքսորման սառաֆօղլու Սարգիս վարդապետին գրեցի միանգամ, զի տարան զնա չղթայակապ ի կողմանս Կիպրոս կղզւոյն բերդարգել լինել անդ: Այլ այժմ ոմանք յուղղափառաց զաղտ ի մէջ իւրեանց միաբանեալ ջանան յետս դարձուցանել զնա առնլով զիթլախն, բայց երկնչիմ գուցէ իմացեալ պատրիարզին հասուսցէ զկնի նորա զվճիռ մահու. քանզի ի հայոց կողմանէ ոչ ոք կայ նմա օգնական: Յաուրս յայտոսիկ լուաք գուրախալի լուր յաղթութեան թագուհւոյն ի վերայ պուշաց: (Հ. Իգն. առ Մեղգոնեան, 1758 նոյեմբ. 18. ի Կ. Պոլիս):

ձդք.

Ասեն թէ սարգիս վարդապետն այժմ ի սախըզ է, և առեալ են վասն նորա զգիր ազատութեան, բայց միայն թէ կացցէ ի սախըզ: (Հ. Յակոբոս վ. Չամչեանց առ Մեղգոնեան, 1758 դեկտ. 18. [Կ. Պոլիս]):

մ.

Ի դեկտեմբերի 23 եղև եանդըն մեծ յստամպօլ ի չաթլատը խափուն՝ սկսեալ այրիլ ի չորրորդ ժամէ զիշերոյն մինչև ի քսանևմիներորդ ժամ տունջեան, և այրեցան տունք աւելի քան զերկու հազարս, յորս էին ճամիք բազումք, զոր օրինակ քիւչիւկ այա սօֆիան, և այլք նմանք նմին, և մեծամեծ սարայք բազումք. ել հուրն ի խօնախէ թաւուխճի պաշիին. և այրեալ զտունս՝ որ չուրջ զչաթլատը խափույոֆն զտափարակաւն առ պարսպօք քաղաքին, դիմեաց ապա առ զառիվերն մինչ ի կռնակ սէտէֆճոց, և եկն վերջացաւ վերին ծայրն եանդընին առ պարսպօք սուլթան սալայի կէտիկ փաշային, և ստորին ծայրն ի մէյտանն խատըրղայ իլիմանին: Եւ թէպէտ չայրեցան տունք քրիստոնէից, սակայն քէսատութիւն առեալոյ յաւելուլ սկսաւ ի վերայ առաջնոյ քէսատութեանն: (Հ. Չաքարիա առ Մեղգոնեան, 1759 ֆուլ. 2. [Կ. Պոլիս]):

մա.

Ասի թէ մերձ է յաուրս յայտոսիկ լինիլ զաւակ թագաւորի երկրիս. ուստի և սկսան առնել պատրաստութիւնս տօնանմայի, սակայն խստութիւն եասախին դեռ օր քան զօր յաւելու և ոչ